



竹仔同客家

為著滿足生活个需要，戴在山窩山壠、山前山背个客家人，就會拿生活環境裡肚，種得出个植物、獵得著个動物、取得著个材料來使用。竹仔，就係輒常分客家人拿來用，乜係使用層面最多、最闊个料仔！

頭擺个人為著食水、用水，會去山肚尋水源，尋著水源就想辦法牽水轉來。頭擺無像這下恁利便，無塑膠或者鐵製个水管仔好買來用，就愛在地取材，取竹筴做引水个水筴仔，大筴接細筴、筴頭接到筴尾，牽轉生活个用水。這下，臺北个地名「景美」，就係對原旦个老地名「筴尾」轉音、安名來个。

這下个人，當然乜記得好食个竹筴料理。客家人輒常食个有苗筴、桂竹筴、綠竹筴、麻竹筴這兜。苗筴產期 11 月到 3 月；桂竹筴產在 4 月到 5 月；5 月，綠竹筴就開始出到 7 月邊仔；對 6 月起勢，麻竹筴乜歡喜面世。苗筴剝殼、切片過後，放入雞湯裡肚煮，又香又甘又好食；桂竹筴摺覆菜放入大骨湯裡肚炆，好食到講毋得；綠竹筴洗淨，焯好過後正剝殼、切片涼拌沙拉，就係熱天个一品好味緒；麻竹筴切片浸水燙過、滷鹽砵水，曬燥做筴乾，同豬肉共下炆，噴香个爌肉粿來傍飯，會食到毋知好飽喔！無共樣个竹筴，適合做無共樣个料理，鹽生、油炒、煮湯、用炆、做辣筴……，手藝係好，就有無共樣个好風味。

竹仔个用途，當然毋單止恁樣，可比講耕種人戴个笠嫲、竹炭做个衫褲、△板圓用个毛簍、夾菜食飯个筷仔、泥磚屋个壁牆、嬰兒仔睡个搖籃、瓠棚豆利、揸擔用个擔竿、裝菜用个菜籃、摘茶用个簕公、細人仔搞个嗶嘑銃、拜喏用个金銀紙、普渡个燈篙……，還有當多當多个東西，就係用竹仔做出來个！做得講，在客家人个食衣住行育樂各方面，全全用得著竹仔。故所，竹仔，摺客家人个生活有密切个關聯。

從頭擺到這下，竹仔在客家人个生活裡肚，累積相當豐富个文化內涵，做得看著竹仔在客家人个手頭項，有乜實用性、裝飾性、藝術性个發展。

作者：邱一帆

☆詞彙學習☆

【料仔】liau eː：材料。

【豆利】teu li：輔助豆類生長的竹架。

【水筴仔】suiˊ gienˊ eː：導水的長竹管。

【苗筴】meuˊ sunˊ：孟宗竹筴。

【毛簍】moˊ lanˊ：竹篾編製的平底圓籃。

【鹽生】iamˊ sangˊ：蔬果放鹽涼拌。

☆文法學習☆

【對……起勢】dui.....hiˊ sii：從……開始。

例 1：這條古，毋知愛對哪位講起勢？（這個故事，不知要從哪裡開始講起？）

例 2：佢兩儕對國小起勢就係好朋友。（他們倆從國小開始就是好朋友。）